



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

### Epistolarvm Innocentii III. Romani Pontificis Libri Vndecim

Innozenz <III., Papst>

Parisiis, 1682

Nobilibus Viris Comestabulo Romaniae, W. de Larissa domino de Armino, & Domino de Vaestino, & aliis Baronibus ac Militibus provinciae Larissenae.

**urn:nbn:de:hbz:466:1-20020**

ARCHIEPISCOPO NEOPATRENSI,  
& Episcopo Davaliensi, & Avalonensi  
electo.

Epist. 101.  
Vt bona ablata  
restituatur  
Ecclesiis.  
\* Cod. Colbert.  
Platrio

Conquesti sunt nobis venerabiles fratres nostri Larissenus Archiepiscopus & suffraganei ejus quod Abbas de Plaerio, nobilis vir Comes tabulus Romanie, W. de Larissa dominus de Armiro, Balivus carissimi in Christo filij nostri Constantinopolitani Imperatoris illustris, Dominus de Valesimo, & quidam alij Larissenae diocesis monasteria, abbatias, Ecclesias, & possessiones alias ad eos de jure spectantes contra justitiam detinent occupatas, se habere jus patronatus in monasteriis, abbatias, & Ecclesiis asserentes; qui etiam quosdam laicos Latinos & Græcos suae diocesis nolentes debitas sibi decimas exhibere super hac nequitia confouent & tuentur: contra quos licet pluries obtinuerint scripta nostra, non potuerunt justitiam obtinere, cum illi quibus super hoc scripsimus, postponentes humano timori divinum, plus hominibus quam Deo duxerint deferendum, processum super injuncto sibi negotio non habentes. Ne igitur jura ecclesiastica pereant per insolentiam laicorum, discretioni vestrae per apostolica scripta mandamus quatinus Abbatem & nobiles memoratos & alios, ut detenta cum integritate restituant, & ab hujusmodi praesumptione desistant, monitione praemissa per censuram ecclesiasticam appellatione remota, sicut justum fuerit, compellatis. Quod si non omnes &c. duo vestrum &c. Datum Laterani Nonis Iulij, anno tertio decimo.

ARCHIEPISCOPO NEOPATRENSI,  
& Nazorensi & Cirenensi electis.

Epist. 103.  
Scribitur pro  
Archiepiscopo  
Larisseno.  
Vide infra epist.  
112. & lib. 11.  
epist. 138.

Am semel, secundo, & tertio dilectae in Christo filiae nobili mulieri relictae bonae memoriae Marchionis Montisferrati nostras dicimus litteras destinasse ut episcopatus, abbatias, & alia jura ecclesiastica quae ad venerabilem fratrem nostrum Larissenum Archiepiscopum pertinentia detinet occupata restitueret Ecclesiae Larissenae. Sed ipsa nec ad monitiones venerabilium fratrum nostrorum Atheniensis & Thebani Archiepiscoporum, per quos eam ad hoc mandavimus praemissa monitione compelli, voluit restituere supradicta. Quinimmo non solum ea detinet, verum etiam quosdam Episcopos Græcos suffraganeos ejus & alios Abbates & Clericos nolentes sibi exhibere reverentiam manu-

tenet, favorem eis super tanta eorum nequitia exhibens contra ipsum. Nolentes igitur sustinere quod per eandem nobilem defraudetur idem Archiepiscopus jure suo, discretioni vestrae per apostolica scripta mandamus quatinus ipsam ut & detenta restituat & ab hujusmodi praesumptione desistat moneatis attentius & efficaciter inducatis, ipsam ad hoc, si necesse fuerit, censura ecclesiastica sublato appellationis obstaculo, sicut justum fuerit, compellentes, ac cogentes censura simili Episcopos, Abbates, & Clericos supradictos ad debitam obedientiam eidem Archiepiscopo exhibendam. Quod si non omnes &c. duo vestrum &c. Datum Laterani v. i. Nonas Iulij, anno tertio decimo.

SYDONIENSI ET CARDICENSI  
Episcopis, & electo Nazorensi.

Significaverunt nobis venerabilis frater noster Larissenus Archiepiscopus & dilecti filij procurator & Canonici Dimicenis Ecclesiae quod venerabilis frater noster Episcopus Dimicensis post tertium consecrationis suae diem ab Ecclesia Dimicensi recedens, bona ejus, quae ad ipsum spectant, reliquit in manibus nobilis viri Comes tabuli Romanie, ad quam redire, cum jam trium annorum spatium praerierit, haecenus non curavit; propter cuius defectum ad tantam devenit eadem Ecclesia paupertatem quod vix possunt in ea tres Clerici sustentari. Ideoque discretioni vestrae per apostolica scripta mandamus quatinus si est ita, Episcopum ipsum ut ad suam Ecclesiam revertatur, monitione praemissa, per censuram ecclesiasticam appellatione postposita compellatis. Quod si non omnes &c. duo vestrum &c. Datum Laterani 111. Nonas Iulij, anno tertio decimo.

NOBILIBVS VIRIS  
Comes tabulo Romanie, W. de Larissa domino de Armiro, & Domino de Valesimo, & aliis Baronibus ac Militibus provinciae Larissenae.

Ad ecclesiastica bona manus extendere minimè deberetis, cum Ecclesiae sponsus Christus ampliaverit vobis manus, nec gravare deberetis Ecclesias, quarum creditis ministrorum precibus sancti Christum, ut vos ab hostium gravaminibus tueatur. Inde est quod nobilitatem vestram rogandam duximus & monendam quatinus restituentes Ecclesiae Larissenae si qua de bonis ipsius minus licite detinetis, permittatis

permittatis venerabilem fratrem nostrum Archiepiscopum Larissenum & suffraganeos suos Ecclesias, abbatias, Clericos, possessiones, decimas, & alia jura quæ ad Ecclesias pertinent eorundem pacificè possidere. Datum Laterani Nonis Iulij, anno tertio decimo.

ARCHIEPISCOPO LARISSENO.

Epist. 106.  
Vi subleuet  
paupertatem  
Episcopi Car  
diacensis.

**C**um venerabilis frater noster Cardicenis Episcopus multa labore inopia, multaque paupertate prematur, cum ex Ecclesiæ suæ redditibus vix possit simplex Clericus sustentari, fraternitatem tuam rogamus attentius & monemus, per apostolica tibi scripta mandantes quatinus ipsius paupertati compatiens, ejusque indigentiam miseratus, ei procures in aliquo providere, ut mendicare in clericali ordinis vituperium non cogatur. Datum Laterani III. Nonas Iulij, anno XIII.

COMESTABULO ROMANIÆ,  
Domino de Armiro, A. de Plaerio, & aliis  
Baronibus & populis Latinis & Græcis  
in Cardicensi diocesi constitutis.

Epist. 107.  
Scribitur pro  
tamen.

**S**ancam Dei Ecclesiam sponsam Christi honorare vos convenit, non gravare; ne forsan Christus Dominus sponsus ejus, ipsius gravamine provocatus, vos aggravet, & dum auferre sibi modicum quod habet intenditis, plura perdere vos contingat. Cum igitur venerabilis frater noster Episcopus Cardicenis quædam Ecclesiæ suæ jura vos asserat minus licitè detinere, universitatem vestram monemus atque exhortamur in Domino quatinus detenta omnia divinæ considerationis obtentu & pro sedis apostolicæ reverentia eidem Ecclesiæ restituere cum integritate debita procurantes, non impediatis quò minus idem Episcopus abbatias, Ecclesias, possessiones, decimas tam Græcorum quam Latinorum, & alia Ecclesiæ suæ jura valeat pacificè possidere. Datum Laterani II. Nonas Iulij, anno tertio decimo.

ILLVSTRI CONSTANTINOPOLITANO  
Imperatori.

Epist. 108.  
De solatis res  
tituendis Episcopo  
Citrensi.  
Paris infra epist.  
111.

**C**onquestionem dilecti filij Citrensis electi nobis accepimus præsentatam quòd nobilis vir V. Alemannus & quidam alij milites & homines tui Ecclesias Citrensem & Platamonensem, castellum etiam de Citro, decimas tam Latinorum quam Græcorum, ac possessiones alias ad ipsum & Ecclesias memoratas rationabiliter pertinentes per violentiam invaserunt,  
Tom. II.

& detinent contra justitiam occupatas. Ideoque imperialem excellentiam monemus & exhortamur in Domino quatinus eos ut Ecclesias & possessiones easdem ac decimas electo restituant memorato, & de perceptis satisfactionem exhibeant competentem, tradita tibi à Deo potestate compellas. Datum Laterani VI. Idus Iulij, anno tertio decimo.

EPISCOPO SIDONIENSI,  
& electo Nazarescensi, & procuratori  
Dimicensi.

**C**onquestus est nobis venerabilis frater noster Episcopus Cardicenis quòd nobilis vir Comestabulus Romanæ, Dominus de Armiro, A. Plaerio, Dominus de Valestino, Balivus carissimi in Christo filij nostri Constantinopolitani Imperatoris illustris, & quidam alij Cardicensis diocesis monasteria, abbatias, Ecclesias, decimas tam Latinorum quam Græcorum, & possessiones alias ad ipsum de jure spectantes contra justitiam detinent occupatas, se habere jus patronatus in monasteriis, abbatibus, & Ecclesiis asserentes; qui etiam quosdam laicos Latinos & Græcos ipsius diocesis nolentes decimas sibi debitas exhibere super hac nequitia confovent & tuentur; contra quos licet pluries obtinuerit scripta nostra, non potuit justitiam obtinere, cum illi quibus super hoc scriptimus, postponentes humano timori divinum, plus hominibus quam Deo duxerint deferendum, processum super injuncto sibi negotio non habentes. Ne igitur jura ecclesiastica pereant per insolentiam laicorum, discretionem vestram per apostolica scripta mandamus quatinus nobiles prædictos & alios, ut & integrè detenta restituant, & ab hujusmodi præsumptione desistant, monitione præmissa, censura ecclesiastica appellatione remota, sicut justum fuerit, compellatis. Quòd si non omnes &c. duo vestrum ea &c. Datum ut in alia.

Epist. 109.  
De ablatis res  
tituendis Eccle  
siæ Cardicensi.

ARCHIEPISCOPO THEBANO,  
& Davaliensi & Sydoniensi Episcopis.

**V**enerabilium fratrum nostrorum Archiepiscoporum & Episcoporum ac dilectorum filiorum aliorum Prælatorum Constantinopolitani imperij gravem nuper accepimus questionem quòd nobilis vir Otto de Roca Dominus Athenarum & alij Barones & Milites ipsius imperij communiter inhibuerunt in eorum gravissimum detrimentum ne quis de pos  
N n n

Epist. 110.  
De libera potestate  
testandi in favorem  
Ecclesiarum.  
Vide supra epist.  
98.